

Meahciráđđehusa Luonddubálvalusaid várren- ja láigostobuid, várrengámmiid, sávnniid, várrendolla- ja tealtásajiid, gohttenguovlluid ja earáid sajiid várreneavttut

Fámus 02.05.2022 rájes

Várreneavttut

1. Heiveheapmi

Dáid várreneavttuid heivehat áššehasa (láigolaš) ja Meahciráđđehusa (láigoaddi ja bálvalusfáli) gaskasaš soahpamušgaskavuhtii láigohančuozáhaga (várren- ja láigostobut, várrengoadit, sávnnit, várrentealtásajit, gohttenguovllut ja eará sajit) várremis ja geavaheamis. Várren- ja láigostobuid ja várrengođiid várren gehččojuvvo oktan várremin, vaikke dat guoskkašiige sierra stobuin / čuozáhagain dáhpáhuvvan idjademiid. Várreneavttut bohtet fápmui seammás várrema dahkama áigge ja daid heivehat áššehasa ja Meahciráđđehusa gaskasaš soahpamušgaskavuhtii.

2. Dohkkeheapmi

Dahkamiin várrema áššehas dáhkida leat oahpásmuvvan dáidda várreneavttuide ja dohkkeha dáid várreneavttuid.

3. Várren

Várren dahkko vuosttažettiin neahttavarremin Eräluvat-neahttagávppis. Várrema sáhtát dahkat maiddái Meahciráđđehusa áššehasbálvalanbáikkis, telefavnain dahje šleađgapoasttain. Várrenrávvagat leat guđege stobu siidduin čujuhusas lundui.fi/stobut. Áššehas galgá leat dievasahkásaš. Áššehasa dahkan várren lea čadni.

4. Máksu ja máksineavttut

Olles várren máksojuvvo hávil. Várrenmáksu galgá máksojuvot rehkegii merkejuvvon earrebeaivvi rádjai (30 jándora ovdal várrema álgima). Jus várrema álgui lea vuollel 30 jándora, várren galgá máksojuvot seammás. Dingonnannema mielde áššehas oažžu dieđu čoavdagis ja eará dárbbaslaš dieđuid. Hattit sistisdollet guđege áigge fámus lean árvolassevearu. Riekti hadderievdademiide várrejuvvo.

5. Šluhtten dahje nuppástusat áigái, bistimii ja idjadanbáikái

Mávssekeahthes várren

Mávssekeahthes neahttagávppis dahkkon várrema sáhttá šluhttet ovdal earrebeivvi (30 jándora) dahje earrebeivvi maŋŋá go čáliha sisa áššehaskontui Eräluvat-neahttagávppis. Šluhttema dahje nuppástusa várremii sáhttá dahkat ovdal earrebeivvi maiddái šleađgapoasttain dahje ringemiin Meahciráđđehusa áššehasbálvalanbáikái dan rabasáiggiin.

Rehkega mávssekeahttá guođđin ii leat šluhtten. Jus rehket ii leat máksinávžžuhusas fuolatkeahttá máksojuvvon, rehket sirdašuvvá bearrandoaimmahakkii.

Máksojuvvon várren

Šluhttema dahje nuppástusa várremii galgá dahkat šleađgapoasttain dahje ringemiin Meahciráđđehusa áššehasbálvalanbáikái dan rabasáiggiin

Šluhtten dahje nuppástus gehččojuvvo dáhpáhuvván dalle, go diehtu šluhttemis lea bohtán Meahciráđđehussii. Šleađgapoasttain dáhpáhuvván šluhtten dahje nuppástus gehččojuvvo bohtán dalle, go dat lea Meahciráđđehusa anus áššehasbálvalanbáikki rabasáiggiin vuostáiváldinrusttegis dahje diehtovuogádagas nu, ahte dan sáhttá giedahallat. Jus elektrovnnalaš diehtu lea bohtán Meahciráđđehusa áššehasbálvalanbáikái rabasáiggi maŋŋá, gehččojuvvo šluhtten leat bohtán čuovvovaš árgabeaivve.

Jus áššehas **šluhte** máksojuvvon várrema earrebeivvi maŋŋá, máhcahuvvo áššehasa máksán máksu dušše birgetmeahttun eastaga (force majeure) - dihtii (omd jus áššehas dahje su lagaš olmmoš buohccá, lápmašuvvá dahje jápmindáhpáhusas dihtii). Buohcuvuođa ja dáhpedorpmi buohta Meahciráđđehussii galgá sáddet doavttirduođaštusa 14 jándora siste šluhttemis áššehasbálvalusa almmuhan čujuhussii. Vuollel 20 € (sis álv) ruhtamáhcaheamit eai dahkko.

Jus ovdalis máinnašuvvon sivain bohtán šluhtten dáhpáhuvvá várrenáigge, várrenmáksu ii máhcahuvvo.

Nuppástusa máksojuvvon várremii sáhttá dahkat maŋimustá 7 jándora ovdal várrema álgima šleađgapoasttain dahje ringemiin Meahciráđđehusa áššehasbálvalanbáikái dan rabasáiggiin. Jus nuppástus rievdata máksojuvvon loahppahatti, áššehassii sáddejuvvo ođđa rehket loahppahatti lasáhusas.

Várrema nuppástusa vuollel 7 jándora ovdal várrema álgima gehččojuvvo ovddit várrema šluhttemin ja ođđa várremin. Ovddit várremis ii máhcahuvvo máksu.

6. Meahciráđđehusa riekti šluhttet várrema

Jus sáhka lea birgetmeahttun eastagis (force majeure), sáhttá Meahciráđđehus šluhttet várrema. dalle áššehas oažžu su máksán olles várrenmávssu ruovttoluotta. Eret celkojuvvon várrensoahpamušas áššehassii šaddan vejolaš eará golut eai goittotge buhttejuvvo. Meahciráđđehusas lea riekti šluhttet várrema, jus áššehas ii leat máksán várrenrehkega earrebeivvi rádjai. Áššehas ferte goittotge máksit várrenrehkegis obban.

Meahciráđđehus várre rievtti šluhttet áššehasa várrema, jus dát áššehas ii leat ovddit láigočuozáhagain čuvvon láigobáikkiin orrumis addojuvvon eavttuid dahje jus dát áššehas lea muđuid doaibman vuostá láigočuozáhagaid geavaheami guoskevaš soahpamuša.

7. Čoavdagat

Áššehas viežžá čoavdagiid máksinduodaštusain čoavdagiid viežžansajis. Áššehas máhcaha su várren stobu dahje eará láigočuozáhaga čoavdaga dakkaviđe várrema nogadettiin, meahccečuozáhagain manjimustá vahku geažes várrema nohkamis, su ožžon rávvagiid mielde. Čoavdaga máhcakeahttá guođdimis berrojuvvo čuohte (100) euro (sis. álv) máksu.

8. Orrun láigočuozáhagas

Áššehasas lea várrenáigge geavahanriekti su várren stobu dahje sávnni rusttegiidda já várrejumis oaivvilduvvon seangasajiide dahje geavahanriekti su várren eará sadjái. Áššehasas galgá leat mielde máksinduodaštus ja stohpovárrennannen, mainna son sáhtta čujuhit várrejumis ja dan máksima. Áššehas galgá ráhkkanit čájehit várrennannema ja máksinkuitte Meahciráđđehusa bargovehkii dahje bearráigeahččovirgeoapmahaččaide.

Stobuin galgá váldit vuhtii eará geavaheaddjiid ja dáhkidit buohkaide oadđinráfi 23–06. Áššehas vástida iežas bealistis stobu ja dan šilljobiire čorgatvuodas. Duhpáhistin ja headušteaddji alkohola návddašeapmi láigočuozáhagain lea gildojuvvon. Ruovttuealliin leat njuolggadusat čuozáhagaid guovdu.

Lohpejándor lea 14.00–12.00

9. Meahcástan- ja guolástanlobit

Várren- dahje láigostobu dahje eará saji láigoheapmi ii vel atte meahcástan- ja guolástanvuoigatvuoda (lobi) láigočuozáhahkii dahje dan lahkasiin vejolaččat lean Meahciráđđehusa meahcástan- ja guollebivdoguvlui. Meahciráđđehusa guovlluide dárbbášan meahcástan- ja/dahje guolástanlobiid galgá ÁLO skáhppot sierra omd [Eräluvut-
neahhtagávppi \(verkkokauppa.eraluvat.fi, suomagillii\)](http://eraluvat-verkkokauppa.eraluvat.fi) bokte.

10. Vahágiid buhttemat

Áššehas lea geatnegahtton buhttet Meahciráđđehussii vahága, man son lea dagahan stohpui dahje dállui, dan luovos opmodahkii dahje stobu šilljobiirii ja vahága, mii boahdá Meahciráđđehussii eará vánddardeaddji gillán vahágis dahje geavaheami eastašuvvamis.

11. Fuomášuhttimat ja váidalusat

Vejolaš fuomášuhttimiid ja váidalusaid galgá álo dahkat almma ájahalakeahttá njuolga Meahciráđđehussii. Jus dát ii leat vejolaš dahje áššái ii boađe duđahahtti čoavddus dahje dasa

gullá buhttenháibádus, galgá váidalusa sáddet mánotbaji siste várrema nohkamis girjjálaččat čujuhussii: Metsähallitus, Asiakaspalaute, PL 94, 01301 Vantaa. Meahciráđđehus várre máhcahagaid giedahallamii mánotbaji giedahallanáiggi.

12. Sierramielalašvuodát ja daid čoavdin

Soahpamuša guoskevaš sierramielalašvuodát figgojuvvojit čovdojuvvot oassebeliid gaskkas ráđđádallamiiguin. Jus áššehas ja Meahciráđđehus eaba beasa ovttaoavilvuhtii, sáhtta áššehas leat oktavuodas [golaheaddjirávemii \(kkv.fi, suomagillii\)](http://kkv.fi). Áššehas sáhtta háliidettiin doalvut ášši riidoášši golaheaddjiváiddalávdegotti giedahallamii. Manjimužžan soahpamuššii gullevaš sierramielalašvuodát čovdojuvvojit Itä-Uusimaa gearretrievttis.

13. Eará fuomášan veara

Stobuide lea neahttasiidduide dahje eará láchkai almmuhuvvon dihto idjadankapasiteahta dahje seangasajiid meari, man eanet doppe eai oaččo leat olbmot.

Meahciráđđehus ii leat geatnegas buhttet luonddudiliin, dego divrriin, muolddahiin ja sáhpánii dahje vuorddekeahkes dálkemolsašumiin áššehassii vejolaččat šaddan hehttehusa dahje goluid.

Meahciráđđehus
PL 94 (Ratatie 11)
FI-01301 Vantaa, Suomi Finland
Tel. 0206 39 4000
www.metsa.fi
Y-tunnus / Business ID: 0116726-7